

## GRANXA ESCOLA-ALBERGUE TOMIÑO

**DATOS XERAIS:** Esta instalación está situada nunha zona medioambiental en contacto coa flora e a fauna rural, dispón dunha horta biolóxica, invernadoiro, talleres e aula de natureza.

**ACCESO:** Estrada dirección Barrio Vilar, 45. Tomiño 36740

**ENDEREZO:** Barrio Vilar, 45. Tomiño (Pontevedra)

QUENDA	ANOS NACEMENTO	DESCRIPCIÓN DAS ACTIVIDADES "AVENTURA NA GRANXA"
Do 09 ao 15 de agosto	08-09-10-11	Este campamento adáptase as idades e necesidades do grupo, cunha programación de actividades variadas, fundamentadas nas tarefas de granxa, xestión de residuos, técnicas de orientación e supervivencia, talleres musicais, recolleita e elaboración de alimentos, roteiros, xogos de rol, tiro con arco.
Do 16 ao 22 de agosto	04-05-06-07	A finalidade é conseguir unha boa experiencia e inesquecible lembranza da convivencia grupal nun entorno máxico no Val Miñor.

### NORMAS XERAIS:

- Os/As participantes, así como o equipo técnico, seguirán en todo momento as pautas de prevención e hixiénico-sanitarias determinadas no "Protocolo de actuación para a realización da Campaña de Verán da Xunta de Galicia no marco da crise sanitaria provocada pola Covid-19" dispoñible neste enlace [http://xuventude.xunta.es/images/INFORMACI%C3%93N\\_PROTOCOLO\\_COVID-19.pdf](http://xuventude.xunta.es/images/INFORMACI%C3%93N_PROTOCOLO_COVID-19.pdf)
- Os/As participantes estarán atendidos permanentemente por persoal titulado e especializado na organización e no desenvolvemento das actividades de tempo libre.
- Ningún/ha participante poderá abandonar o centro sen autorización expresa do director da actividade, e sempre acompañado por un **adulto autorizado (persoa que asinou os papeis de inscrición)**; no caso de non poder estar presente este, a persoa que efectúe a recollida deberá achegar a fotocopia do DNI de quen autoriza (persoa que asinou os papeis de inscrición) e do autorizado, así como o impreso de autorización que lles será facilitado polos monitores o día da recepción.
- Prégase non facer visitas de non ser necesario**, coa fin de non interferir no desenvolvemento das actividades e limitar ao mínimo imprescindible a entrada de persoas alleas á instalación.
- Para poder falar cos participantes, o horario será o establecido polo equipo directivo, do que se dará información na reunión de recepción. Nese horario, os/as rapaces/zas disporán dos seus móbiles se os traen ou ben poderase chamar ao teléfono que sexa indicado na reunión de recepción.

6. O centro conta con atención sanitaria. As persoas participantes deberán levar as tarxetas sanitarias orixinais (ou seguro médico, MUFACE ou similar, e o talonario de receitas).

O día da incorporación deberase comunicar ao persoal técnico da actividade os medicamentos, en caso de tratamento específico, que estean a tomar; así como as alerxias, doenzas, ou calquera outra incidencia que se considere de interese. Así mesmo, o día de chegada á instalación, dentro das medidas de prevención para facer fronte á Covid-19, tamén se tomará a temperatura á persoa participante a través de dispositivos de lectura biométrica que non impliquen contacto físico.

7. Recoméndase que non leven obxectos de valor, nin grandes sumas de diñeiro.

Prevese a organización dun banco de cartos e móbiles onde os participantes poderán depositar os seus cartos e tamén os teléfonos, (recoméndase poñer un adhesivo co seu nome tanto no teléfono coma no cargador e, no caso de ser necesario, unha lista cos números de teléfono e o PIN, se non se sabe de memoria). Os teléfonos entregaranse apagados.

8. Recoméndase levar a roupa marcada coas iniciais.

9. Nesta web, no apartado “**Documentación para presentar no caso de obter praza nun campamento (fase de adjudicación)**” están dispoñibles os modelos de documentos (cuestionario de saúde e autonomía persoal (anexo VI), declaración de saber nadar, autorización de imaxes, modelo de aceptación de condicións de participación e de información de sobre a Covid-19, modelo de autorización para recollida do menor e outra información de interese.

#### INCORPORACIÓN E RECOLLIDA DAS PERSOAS PARTICIPANTES

- A incorporación realizarase o día do inicio da quenda correspondente, entre as 09.00 e as 13.00 horas na Granxa-Escola. Para favorecer unha chegada graduada dos nenos/as participantes será preciso avisar con anterioridade á instalación no **teléfono 986 623 398** , nos **catro días anteriores** ao inicio da quenda. Así mesmo, a persoa participante só poderá vir acompañada por un pai/nai/titor legal, tal e como se establece no protocolo.

- O día de remate da quenda, a recollida dos/as participantes deberá facerse entre as 16:00 e as 20.00 na mesma instalación. Seguirase o mesmo procedemento que na chegada, debendo concertar a saída chamando ao número anteriormente indicado nos catro días anteriores ao remate da quenda .

#### MATERIAIS NECESARIOS E RECOMENDABLE

##### MATERIAL NECESARIO

Dadas as características das actividades a realizar, e tendo en conta as medidas de prevención que son necesarias adoptar para facer fronte á Covid-19, é necesario que os nenos/as participantes traian o seguinte material ao citado campamento:

- Toallas de aseo e de praia
- Bolsa para a roupa sucia. Non se poderá lavar ningún tipo de prenda na instalación.
- Chaleco reflectante
- . Útiles de aseo

- . Saco de durmir
- . Crema protectora solar
- . Traxes de baño
- . Sombreiro ou gorra
- . Camisetas
- . Pantalóns curtos ou bermudas
- . Mochila pequena de asa ancha para saídas
- . Roupa interior suficiente para todos os días da quenda

#### MATERIAL RECOMENDABLE

A maiores, é aconsellable levar:

- Cantimplora
- . Sandalias pechadas con velcro
- . Repelente para os mosquitos
- . Vestimenta deportiva e de abrigo: chándal, pantalóns, sudadeiras ou forro polar, ...
- . Calzado deportivo que sirva en caso de choiva
- . Chuvasqueiro
- . Lanterna
- . Bolígrafo e caderno

O horario básico da quenda será o seguinte:

08.30 h.	Erguerse, aseo persoal, vestimenta axeitada e amaño de dormitorios
09.00 h.	Almorzo
09.30 h.	Activa-T (desprazamento, de ser o caso).
10.00 h.	Actividades de mañá (con interrupción para un refrixerio)
13.50 h.	Remate das actividades de mañá, recollida e aseo
14.10 h.	Xantar
15.00 h.	Aseo
15.10 h.	Tempo libre xestionado e preparación actividades da tarde (desprazamento, de ser o caso)
16.00 h.	Actividades de tarde (con interrupción para merendar)
19.50 h.	Remate das actividades de tarde e recollida
20.10 h.	Ducha, tempo libre xestionado
21.00 h.	Cea
21.30 h.	Tempo libre xestionado
22.10 h.	Velada
23.10 h.	Escoita activa
23.30 h.	Deitarse